

A *rubá***A** *ntaño*

Durante e tempo di antaño ta masha hopi cos a yega di tuma lugar, y tur debi na esaki pa falta di otro medionan. No tabain dokter, ademas esaki a haci tur posibilidad p hende bai cerca loke nan ta yama den e tempo aya, un curioso cu mas bien ta un curandero. Esakinan semper kier keda den secreto pa evita cualkier bishita di autoridad riba nan pa loke nan ta haci. No kere bo, pero ainda tin di e personanan cu ta trata cu trata y yuda hende. Ademas tin hopi tambe cu te cu e dia di awe ta kere den bruha, den lesamento di carta y e tipo di cosnan ey. Manera ta ser menciona cu ora cu no tin dokter y e hendenan bira malo nan ta bai bishita un curioso (asina e curanderonan tabata ser yama). Esaki por ta un homber of un muher, y nan ta yuda e hendenan cu oracion y halamento, y hasta cu e ciga den boca tin biaha pa huma e spiritu malo. Den e pueblo di Noord tabatin uno cu yama Cheppi Curioso, esaki a nace rib un 28 di september di aña 1884, y nan bautizé riba e mesun dia. Su tata ta Jojo y su mama ta Ana. Cheppi Curioso tabata traha remedi, y e mesun remedi e tabata duna tur hende pa nan bebe. Aunque Ud. no lo crea" e tabata yuda nan. Hendenan for di tur parti di Aruba tabata bini cerca Cheppi Curioso. Nan t bisa cu ta parce cu ta Dios mes a duna Cheppi un don pa yuda hende den e tempo di antaño Tabatin uno cu a bai cerca Cheppi y a bisé cu un abuya di dje a verrek pa motivo di a haci algo pisa. Cheppi a pone dumi barica abao, y hala su lomba pa mas o menos un mei hora, y despues esaki por a bai cas sin tin mester di haci uso di e garoti. Tin di esnan cu ta sufri di rion, pero esakinan si Cheppi ta bisa nan cu ta cerca un dokter nan tin di bai. Actualmente nos tin un amigo cu yega di ta den Savaneta Kamp cu tambe ta preparando remedinan for di e plantanan. Un yiu di Cheppi a yega di conta u su tata a yega di bai na un lugar na Colombia cerca e indiannan enano, kendenan tambe tabata cura hende. Nan a siñé hopi tocante e matanan y yerbanan y pa motivo cu e no tabata lesa ni skirbi e no por a siña mas. Na principio e tabata traha un tipo so, pero despues el a siña for di diferente mata, el a bin traha hasta remedi pa e diabéticonan.